

فراقون بیزه شاها ئولنجه اثر ایلر
صحن و او رواقون بیزی دیده تر ایلر

خدایا بو مصیبت منی ایلدی حیران
آخوب عارضه اشگیم اودور باغیریم اولوب قان
یقین اصغر آناسی قالبوب دیده سی گریان
دیور هانچی اوشاقلار آناسین ملر ایلر

بو آلتی آیلوق اوشاخه اولاهر کیم عزادار
دوتا دامن شه دن ائده دردینی اظهار
اندر دردینه چاره ئولنجه اولی غمخوار
عزادارینه لطفین او خونین جگر ایلر

گورن مرقد شاهی توکر گوز یاشی آغلار
سالار یادینه بیر غم او غم قلبینی داغلار
ایاق سمته باخاندا سرشگین ئوزه باغلار
او شش گوشه مزاره او کس که گذر ایلر

جوارینده بالاسین دئمه گوزدن آتوبدی
بالا قانینه قانین او قبر ایچره قاتوبدی
ایاق سمتیده راحت جوان اوغلی یاتوبدی
هامی دردینه چاره او یرده گئدر ایلر

یاتوب دور و برینده که بیر دسته جوانلار
اولوب کرب و بلانون یری روضه رضوان
حییب ابن مظاهر اولوب او شهه درمان
که زواری زیارت او صحنی گذر ایلر

سالوب دلدن الهی بیزی شوق زیارت
اورک لر قانا دوندی گل ایله بیزه قسمت
اورکلرده ئولنجه قالا قویما بو حسرت
بو حسرت گئجه گوندوز بیزی خون جگر ایلر

صبا دوشسه گذارون اگر کرب و بلایه
بو جمعون دلیجه ده سن اول شاه ولایه
ئولنجه نه روا دور گلاخ شور و نوایه
مزارون گوره هر کیم اونا چوخ اثر ایلر

گنهکارم الهی نصیب اولموری بولم
اگر قسمتیم اولسا او قبره گئنه گلم
او شش گوشه مزاری یقین گورمه سم ئولم
اجل نخل امیددی نه چون بی ثمر ایلر

علاقم بولوسن سن اولوب بیر بونا بسته
حرمده گوزی یاشلی دوراخ دسته به دسته
گراخ بس نئجه اصغر یاتوب سینه سی اوسته
یارا اولسا اوشاقددا آتایه اثر یلر

یاتوب سینه شه ده یقین چوخدی یاراسی
باسوب سینه جان تک اودور دائم آتاسی
دیور قبریده لای لای یاتا بلکه بالاسی
گورور یاتموری ناله او شوریده سر ایلر

نصیب ایله الهی ابوالفضل مزاری
بو جمعيله حرمده ائداخ گوز یاشی جاری
دیاخ باب الحوائج بیزه لطف ائله باری
آدی نوکر اولانون آغاسی نظر ایلر

قسم وئرم الهی علمدار حسینه
نصیب ایله مزارین عزادار حسینه
سرشگین ائده هرکیمسه ایثار حسینه
قیامت گونی زهرا شفاعت گلر ایلر

بو اشعار ازلدن طسوجی سبب اولدی
یازان باقر شالچی او عالی نسب اولدی
ائدوب رهنما هم شراکت عجب اولدی
دئدی خدمه تور الحق سیزه چوخ ثمر ایلر

تصور ایله ((زاهد)) یازان وقته سوزونده
الون ساخلا آز آغلا هلاک اولدون اوزونده
بو بیر لطفدی شه دن بو گوز یاشی گوزونده
قیامتده نتیجه بو اشک بصر ایلر
